



EDISI 342

27 Januari 2023 M

5 Rajab 1444 H

ANJAGI IMAN LAN TAKWA KANTHI MUHASABAH

Dening: Ust. Muhamad Mujari, S.T.

(Bidang Pendidikan, PW Ikadi DIY)

الْحَمْدُ لِلَّهِ الَّذِي أَنْشَأَ وَبَرَا، وَخَلَقَ الْمَاءَ وَالثَّرَى، وَأَبْدَعَ كُلَّ شَيْءٍ وَذَرَا
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ مُظْلَقُ الْعِزَّ وَالْقُوَّةِ وَالْغِنَى، مِنْهُ
الْمُبْتَدَأُ، وَإِلَيْهِ الْمُنْتَهَى، وَأَشْهَدُ أَنَّ مُحَمَّداً عَبْدُهُ وَرَسُولُهُ، النَّبِيُّ الْمُصَطَّفَى،
وَالرَّسُولُ الْمُرْتَضَى، وَالْقُدُوْرُ الْمُجْتَبَى
اللَّهُمَّ صَلِّ وَسِّلِّمْ عَلَى نَبِيِّنَا مُحَمَّدٍ وَعَلَى آلِهِ الْأَرْفَعِينَ قَدْرًا، وَصَحَابَتِهِ الْأَطْيَبِينَ
ذِكْرًا، وَالثَّابِعِينَ إِلَى يَوْمِ نَأْتِي الرَّحْمَنَ فُرَادَى، وَبَعْدَ؛
فَيَا عِبَادَ اللَّهِ، أُوصِيهِمْ وَإِيَّاهُ يَتَقَوَّى اللَّهُ فَقَدْ فَازَ الْمُتَّقُونَ. قَالَ تَعَالَى : ((يَا أَيُّهَا
الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ))

Hadirin Jamaah Jumat Rahimakumullah

Kita sedaya sakmenika gesang wonten ing jaman modern, salah setunggaling tanda inggih punika wontenipun kemajengan teknologi informasi ingkang sanget cepetipun saha saget mlebet lan ngrubah sedaya aspek pagesangan. Wonten ing jaman mekaten permasalahan pagesangan langkung ruwet, mila kathah manungsa ingkang mboten saget adaptasi, mila kathah ingkang lajeng larut katut arus globalisasi. Langkung parah malih, ingkang naminipun tumindak dosa lan maksiyat langkung gampil dipun tindakaken,

kamangka tumindak dosa lan maksiyat badhe njluntrungaken pelakunipun tumuju dateng kanistan ing dunya lan ugi akhirat.

Kita sedaya sampun paham bilih punapa kemawon ingkang kita tindakaken wonten ing donya punika mesti badhe dipun suwuni pertanggungjawaban dening Allah SWT. Temtu kita ngajeng-ngajeng supados pertanggungjawaban amal kita benjang wonten ngersanipun Allah ta'ala saget pinaringan gampil saha entheng. Salah setunggalin cara ingkang saget kita tindakaken inggih punika kanti nindakaken muhasabah dumateng sedaya amal ingkang kita tindakaken.

Muhasabah saget kita tindakaken kanthi cara nggatosaken amal ibadah ingkang sampun kita tindakaken kagem ngangen-angen supados amal ibadah kita langkung sae wonten wekdal sak lajengipun. Allah Ta'ala wonten ing Al quran surat Al Hasyr ayat 18 paring dawuh,

يَا أَيُّهَا الَّذِينَ آمَنُوا اتَّقُوا اللَّهَ وَلَا تُنْظِرُ نَفْسٌ مَا قَدَّمَتْ لِغَدٍ وَاتَّقُوا اللَّهَ إِنَّ اللَّهَ خَيْرٌ بِمَا تَعْمَلُونَ

"Hei wong-wong kang padha iman, padha Taqwao marang Allah, lan saben-saben wong padha nggatekno apa kang wus den tindakake kanggo wektu besoke (akhirat), padha Taqwao marang Allah, sejatine Allah Maha pirsa apa kang sira tindakake."

(Q.s. Al-Hasyr:18)

Imam Ibnu Katsir nafsiraken pangendikan "wal-tanzhur nafsun maa goddamat lighod" kanthi ngendikaaken: itung-itungen diri pribadimu sakdurunge sira dijaluki pertanggungjawaban, lan gatekna apa kang sira celengi kanggo diri pribadimu kang rupa amal-amal sholih kanggo bekal dina sira den balekake, yaiku dina den adepake sira marang Allah SWT. Menika salah setunggalik maksudipun muhasabah ingkang kedah tansah kita tindakaken kagem anjagi Iman lan Taqwa kita.

Hadirin Jamaah Jumat Rahimakumullah

Rasulullah Saw. ngendikaaken bilih muhasabah minangka salah setunggalin tanda kepinteranipun manungsa anggenipun nglampahi pagesangan punika. Rasulullah ngendika,

الْكَيْسُ مَنْ دَانَ نَفْسَهُ وَعَمِلَ لِمَا بَعْدَ الْمَوْتِ وَالْعَاجِزُ مَنْ أَتَبَعَ نَفْسَهُ هَوَاهَا
وَتَمَّى عَلَى اللَّهِ

"Wong kang cerdas yaiku wong kang ngitung-itung pribadine lan tumindak amal kanggo sakwuse mati, sakwalike wong kang ringkikh yaiku wong kang ngetutake jiwane kanthi pepinginan hawa nefsume lan angen-angene marang Allah."

(H.r. Ahmad, at-Tirmidzi, dan Ibnu Majah).

Miterat hadis kasebat, kita manungsa dipun suwun milih badhe dados piyantun ingkang cerdas utawi dados piyantun ingkang ringkikh akalipun. Menawi kita milih dados piyantun ingkang cerdas, pramila kita kedah nggadahi ciri inggih punika muhasabah saha amal ibadah kagem bekal benjangipun (akhirat). Menika hakikat kita ngamal wonten ing donya punika inggih punika kados kita nanem satunggaling taneman. Menawi kita nanem pantun badhe panen pantun, nanem jagung badhe panen jagung. Menawi kita tumindak kesaenan pramila benjang kita badhe panen kesaenan. Sakwalikipun, menawi kita tumindak awon pramila benjang ugi badhe panen ingkang awon.

Hadirin Jamaah Jumat Rahimakumullah

Lajeng punapa ginanipun muhasabah ingkang kita indakaken wonten ing donya menika? Umar bin Khathab, r.a., paring pangendikan mekaten:

حَاسِبُوا أَنفُسَكُمْ قَبْلَ أَنْ تُحَاسِبُوا وَتَرَيَّنُوا لِلْعَرْضِ الْأَكْبَرِ وَإِنَّمَا يَخْفُ الْحَسَابُ
يَوْمَ الْقِيَامَةِ عَلَى مَنْ حَاسَبَ نَفْسَهُ فِي الدُّنْيَا

"Hisaben (itungan) diri pribadimu sakdурunge sira den hisab (den itung) lan siapna kanggo dina kang kabeuh den adepake (marang Rabb kang Maha Agung), hisab (petungan) bakal entheng ana ing dina kiamat kanggo wong kang tansah ngitung-itung diri pribadine ing donya." (H.r. Ahmad ing dalem Kitab az-Zuhd lan Abu Nu'aim ing Hilyah Al-Auliya')

Miterat Umar bin Khathab r.a., muhasabah ingkang dipun tindaaken manungsa wonten ing donya punika badhe ngentheng-enthengaken hisabipun wonten ing akhirat. Amargi menawi muhasabah dipun tindakaken, pramila piyambakipun badhe sadar bilih diri pribadinipun kathah salahipun, mila lajeng badhe enggal-enggal tobat, saha ngapik-apik pribadinipun. Kanthi mekaten,

kesempatan pikantuk pangapunten sangking Allah sanget agengipun kagem diri pribadinipun.

Hadirin Jamaah Jumat Rahimakumullah

Anggenipun kita nglampahi pagesangan ingkang kebak fitnah punika, kita kedah saestu ngupayakaken lan anjagi Iman saha taqwa kanthi muhasabah. Saben-saben wekdal, khususipun wekdal sakderengipun sare, kita ngupadi supados saget tansah muhasabah. Kita perlu nindakaken introspeksi diri kalian sedaya amal ingkang kita tindakaken saben dintenipun, mulai sangking wungu ngantos sare malih.

Saben kita nindakaken amal, kita saget nyuwun pirsa dateng diri pribadi kita: kanthi ilmu kita, punapa Allah ridla utawi mboten? Menawi Allah ridla, pramila dipun lajengaken nindakaken amal punika, Menawi Allah mboten ridla pramila kedah mandeg, ampun dipun terasaken. Mangga kita enget pangendikanipun Allah ta'ala,

وَمِنَ النَّاسِ مَنْ يَشْرِيْ نَفْسَهُ ابْتِغَاءَ مَرْضَاتِ اللَّهِ وَاللَّهُ رَءُوفٌ بِالْعِبَادِ

“Ing antarane manungsa ana wong kang ngorbanake diri pribadine kanggo golek Ridhane Allah. Allah Maha Welas marang para kawulane.” (Q.s. Al-Baqarah: 207).

Kanthy nindakaken muhasabah mekaten, kita ngajeng-ngajeng wonten akhir pagesangan kita, Allah paring karunia ingkang arupi husnul khatimah, wangsal dateng Allah kanthy Ridha sarto dipun ridhani dening Allah. Wonten ing Al Quran surat Al Fajr ayat 27-30 Allah Ta'ala ngendika.

يَا أَيُّهَا التَّفَّصُ الْمُظْمِنَةُ (٢٧) ارْجِعِي إِلَى رَبِّكِ رَاضِيَةً مَرْضِيَّةً (٢٨) فَادْخُلِي فِي عِبَدِيٍّ (٢٩) وَادْخُلِي جَنَّتِيٍّ (٣٠)

*He jiwa kang ayem, balia marang pangeranmu kanthy Ridha lan den ridhai. Banjur, mlebuu ing dalem golongan abniningsun lan mlebuu ing suwargoningsun!
(Q.s. Al-Fajr: 27-30).*

Hadirin Jamaah Jumat Rahimakumullah

Mugi-mugi kita sedaya dipun paringi kekiyatana supados tansah saget nindakaken Muhasabah (Instropeksi) dumateng sedaya aamal tumindak kita wonten ing pagesangan ingkang tambah angel punika. Mug-mugi muhasabah

kita saget tansah anjagi Iman lan Taqwa kita dumateng Allah SWT. *Aamiin Yaa Rabbal 'Alamin.*

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالدُّكْرِ
الْحَكِيمِ، أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ فَاسْتَغْفِرُوهُ، إِنَّهُ هُوَ الْغَفُورُ
الرَّحِيمُ

Khutbah Kaping Kalih

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ
الْكَافِرُونَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ وَرَسُولُهُ.
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ تَبَعَهُمْ بِإِحْسَانٍ إِلَى يَوْمِ
الْدِينِ.

((يَا أَيُّهَا الَّذِينَ آمَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ)).
الْحَمْدُ لِلَّهِ رَبِّ الْعَالَمِينَ، حَمْدًا يُوَافِي نِعَمَهُ وَيُكَافِئُ مَزِيدَهِ، يَا رَبَّنَا لَكَ الْحَمْدُ كَمَا
يَنْبَغِي لِجَلَالِ وَجْهِكَ وَعَظِيمِ سُلْطَانِكَ
اللَّهُمَّ صَلِّ عَلَى سَيِّدِنَا وَحَبِيبِنَا وَشَفِيعِنَا وَمَوْلَانَا مُحَمَّدِ سَيِّدِ الْأَوَّلِينَ وَالْآخِرِينَ،
وَسَلِّمْ وَرَضِيَ اللَّهُ تَعَالَى عَنْ كُلِّ صَحَابَةِ رَسُولِ اللَّهِ أَجْمَعِينَ
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُحِبِّ الدَّعَوَاتِ، فَيَا قَاضِي الْحَاجَاتِ
رَبَّنَا اغْفِرْ لَنَا ذُنُوبَنَا وَلِوَالِدِينَا وَارْحَمْهُمْ كَمَا رَبَّوْنَا صِغارًا

اللَّهُمَّ أَصْلِحْ لَنَا دِينَنَا الَّذِي هُوَ عِصْمَةُ أَمْرِنَا، وَأَصْلِحْ لَنَا دُنْيَانَا الَّتِي فِيهَا مَعَاشُنَا،
وَأَصْلِحْ لَنَا آخِرَتَنَا الَّتِي إِلَيْهَا مَعَادُنَا، وَاجْعَلْ الْحَيَاةَ زِيَادَةً لَنَا فِي كُلِّ خَيْرٍ، وَاجْعَلْ
الْمَوْتَ رَاحَةً لَنَا مِنْ كُلِّ شَرٍّ

اللَّهُمَّ إِنَّا نَعُوذُ بِكَ مِنْ عِلْمٍ لَا يَنْفَعُ، وَمِنْ قَلْبٍ لَا يَخْشَعُ، وَمِنْ نَفْسٍ لَا تَشْبَعُ،
وَمِنْ دُعَاءٍ لَا يُسْتَجَابُ لَهُ

اللَّهُمَّ أَعِزِّ إِلِّيْسَلَامَ وَالْمُسْلِمِينَ، وَأَدْلِلَ الشَّرِكَ وَالْمُشْرِكِينَ، وَدَمِّرْ أَعْدَاءَ الدِّينِ

اللَّهُمَّ أَصْلِحْ شَبَابَ الْمُسْلِمِينَ، وَحَبِّبْ إِلَيْهِمِ الإِيمَانَ وَزَيِّنْهُ فِي قُلُوبِهِمْ، وَكَرِّهْ إِلَيْهِمِ
الْكُفَّرَ وَالْفُسُوقَ وَالْعِصْيَانَ، وَاجْعَلْهُمْ مِنَ الرَّاشِدِينَ بِرَحْمَتِكَ يَا أَرْحَمَ الرَّاحِمِينَ

سُبْحَانَ رَبِّكَ رَبِّ الْعِزَّةِ عَمَّا يَصِفُونَ وَسَلَامٌ عَلَى الْمُرْسَلِينَ وَالْحَمْدُ لِلَّهِ رَبِّ
الْعَالَمِينَ

أَقِيمُوا الصَّلَاةَ..